


施注書詩

154840



71117
S7521

4

4

德
道
考
精

卷之三



施註蘇詩卷之二十一

長洲顧嗣立

漫堂先生宋

榮

閱定 毗陵邵長蘅

刪補

樸園先生張榕端

商丘宋

至

詩五十四首

起甲子四月以後離黃州至金陵道中作

同年程筠德林求先墳二詩

思成堂

詩商頌賈我思成注云神靈來至我致齋之所思則用成

宰樹連山谷祠堂照路隅養松無觸鹿助祭有馴鳥

夢先寒食兒啼到白須遙知隣里化醉叟道爭扶

公羊傳僖公三十三年秦伯曰若爾之年者宰上之木拱矣注云宰家也蘇禹錫宣明二帝碑堂詩千行宰樹荆川道又王思道碑堂詩蒼蒼宰樹起寒煙社于美

詩蜀相祠堂何處尋唐褚無量傳母喪廬墓左鹿犯所植松柏無量號訴曰山松
不乏忍犯吾塋樹耶自是羣鹿馴擾不復振觸無量為終身不御其肉北史蕭祗
傳祗卒于最居喪以孝聞所居廬前有三慈烏來集每臨時舒翅悲鳴全似哀
泣家人則之未嘗有缺高士傳老萊子行年七十臥地為小兒號欲親之喜

歸真亭

述異記廬府君墓在館陶
銘曰廬府君歸真之室

舊笑桓司馬吟師鄭大夫不知徂歲月空覺老楸梧

禮傳家法阡名載版圖會看千字誄木杪見龜趺

禮記夫子居於宋見桓司馬自為石槨三年而不成夫子曰若是其靡也死而
速朽之愈也晉杜預傳遺令曰密縣邢山上有冢云是鄭大夫祭仲或云子產之
冢也居山之頂四望周達東北向新鄭城意不忘本也其隧道空其前示藏無珍
寶不取於重深也吾將來兆城儀制取法於鄭大夫欲以儉自完耳漢原涉傳曹
氏葬茂陵民謂其道曰京兆阡涉慕之遂買地開道立表署曰南陽阡人不肯從
謂之原氏阡周禮司會掌國之百物財用凡在書契版圖葉夢得石林詩話學者
多議木杪見龜趺為語病謂龜趺不當出木杪殊朱之思東南多
葬山上碑亭往往在半山間則自下視之龜趺出木杪何足怪哉

過建昌李野夫公擇故居

李野夫名莘公擇之兄
嘗為江西轉運副使

彭蠡東北源廬阜西南麓何人修水上種此一雙玉思
之不可見破宅餘修竹四隣戒莫犯十畝森似束我來
仲夏初解籜呈新綠幽鳥向我鳴野人畱我宿裴裒不
忍去微月挂喬木遙想他年歸解組巾一幅對牀老兄
弟夜雨鳴竹屋臥聽隣寺鐘書牕有殘燭

修水在建昌縣徐鉉搜神記陽公子雍伯嘗設義漿以給行旅經三年有一人就
公飲出石子一升與之曰種此可得美玉并得好婦如言種之後求徐氏婚徐笑
曰得白璧一雙乃可公於所種玉田果得五徐氏乃以女
妻之元稹連昌宮詞連昌宮中滿宮行歲久無人跡似陳

初入廬山三首

青山若無素偃蹇不相親要識廬山面他年是故人自

注山南山面也

自昔懷清賞神游杳藹閒如今不是夢真箇是廬山
芒屨青竹杖自挂百錢游可怪深山裏人人識故侯

先生詩話僕初入廬山山谷奇秀平日所未見殆應接不暇遂發意不欲作詩已而見山中僧俗皆云蘇子瞻來矣不覺作一絕曰芒鞋青竹杖云云旣而晒前言之謬復兩絕句青山若無素云云按詩話則今第三篇爲首篇矣晉阮修傳嘗以百錢挂杖頭至酒店便獨酣暢故侯注再見

圓通禪院先君舊遊也四月二十日晚至宿焉

明日忌日也乃手寫寶積獻蓋頌佛一偈以僧
長老僊公僊撫掌笑曰昨夜夢寶蓋飛下著處
輒出火豈此祥乎乃作是詩院有蜀僧宣建事
訥長老識先君云

石耳峰頭路接天梵音堂下月臨泉此生初飲廬山水

他日徒參雪竇禪袖裏寶書猶未出夢中飛蓋已先傳
何人更識嵇中散野鶴昂藏未是仙

傳燈錄雪竇師諱重顯遂州李氏子出家參隨州智門祚和尚悟不起一念之旨後居四明之雪竇有雪竇禪師語錄野鶴用晉嵇紹事注已見

子由在筠作東軒記或戲之爲東軒長老其壻
曹煥往筠余作一絕句送曹以戲子由曹過廬
山以示圓通慎長老慎欣然亦作一絕送客出
門歸入室趺坐化去子由聞之仍作二絕一以
答余一以答慎明年余過圓通始得其詳乃追

次慎韻

君到高安幾日回一時斗數舊塵埃贈君一籠牢收取

盛取東軒長老來

九州志筠州治高安縣百樂天
詩斗藪塵埃衣禮拜永雪顏

右送曹詩

大士何曾有生死小儒底處覓窮通
偶畱一呖于山上散作人間萬竅風

右和慎詩

余過溫泉壁上有詩云直待衆生總無垢我方
清冷混常流問人云長老可遵作遵已退居圓
通亦作一絕

石龍有口口無根自在流水誰吐吞
若言衆生本無垢

此泉何處覓寒溫

先生詩話載遵師篇云禪庭誰作石龍頭
龍口湯泉沸不休其下句卽序中所載

世傳徐凝瀑布詩云一條界破青山色至爲塵
陋又僞作樂天詩稱羨此句有賽不得之語樂
天雖涉淺易然豈至是哉乃戲作一絕

帝遣銀河一派垂古來惟有謫仙詞飛流濺沫知多少
不與徐凝洗惡詩

李白廬山瀑布詩飛流直下
三千尺疑是銀河落九天

書李公擇白石山房

偶尋流水上崔嵬五老蒼顏一笑開若見謫仙煩寄語

匡山頭白早歸來

廬山記棲賢寺東北有五老峰廬山之勝此爲最者李太白詩廬山東南五老峰青天削出金芙蓉杜子美詩匡山讀書處頭白好歸來

贈東林總長老

廬山在江州南三十里東林又在山南五里晉道遠所居規制廣袤水石深怪古迹無窮西林

卽永法師所居規制稍不及東林元豐三年詔革江州東林律居爲禪席觀文殿學士王公詔出守南昌欲延寶覺禪師寶舉常總自代總知之宵遁去王公檄諸郡求訪得之新淦深山中遂應命其徒相語曰遠公嘗有識記云吾戒七百年後有肉身大士革居道場今符其語矣事見僧寶傳

溪聲便是廣長舌山色豈非清淨身夜來八萬四千偈他日如何舉似人

阿彌陀經出廣長舌相遍覆三千大千世界楞嚴經等八萬四千清淨寶目八萬四千爍迦羅首八萬四千母陀羅臂皆記佛法門之數法華經世尊見大神力出廣長舌清淨法身佛言三身法身者清淨無相之身也化身者受生示現之身也報身者功德莊嚴之身也

題西林壁

橫看成嶺側成峰，遠近高低各不同。
作無不識廬山真

面目，只緣身在此山中。

華嚴經於一塵中大小刹種種差別如塵
數平坦高下各不同佛悉徃詣各轉法輪

廬山二勝

并引

余遊廬山南北得十五六奇勝，殆不可勝紀而懶

不作詩，獨擇其尤佳者作二首。

高士開先漱玉亭

廬山記山中瀑布十餘處，香鑪峯與雙劍峯在
瀑布旁，水源在五老峯頂，西入康王谷，為水簾

東為開先
之瀑布

高巖下，赤日深谷來。悲風擘開青玉峽，飛出兩白龍。亂

沫散霜雪古潭搖清空餘流滑無聲快瀉雙石硤我來
不忍去月出飛橋東蕩蕩白銀闕沈沈水精宮願隨琴
高生腳踏赤鯁公手持白芙渠跳下清冷中

陸士衡詩頓響倚高崑側聽悲風響述征記華山首陽本一山巨壑掌開以通河
流唐韻硤大壑也漢郊祀歌天門開談蕩蕩史記封禪書海中三神山其物禽獸
盡白而金銀爲宮闕述異記吳王闔閭構水晶宮楊漢公吳興詩溪上玉樓樓上
月清光合作水晶宮列仙傳琴高趙人也以鼓琴爲樂康王舍人浮游冀州涿郡
間二百餘年後辭入涿水中取龍子與弟子期至日皆潔齋候水傍設祠屋果乘
赤鯁來祠中留一月餘復入水去酉陽雜俎唐律捕得鯉卽放號赤鯁公輒殺者
杖八十以讖言鯉爲李也莊子讓王舜以天下
讓其友北人無擇無擇因自投於清冷之淵

栖賢三峽橋

子由棲賢僧堂記元豐三年余過廬山入棲賢
谷谷中多大石叢業相倚水行石間其聲如雷

霆又如千乘車行者震掉不能自持
雖三峽之險不過也故橋曰三峽

參聞太山石積日可綫湮況此百雷霆萬世與石鬪深

行九地底嶮出三峽右長輸不盡谿欲滿無底竇跳波
翻潛魚震響落飛欬清寒入山骨草木盡堅瘦空濛煙
靄間頽洞金石奏彎彎飛橋出激激半月設玉淵神龍
近雨雹亂晴晝垂餅得清甘可嚙不可漱

漢枚乘傳太山之霤穿石罅極之統新幹水非石之鑽索非木之鋸漸靡使之然也孫子善守者藏於九地之下三峽瞿塘巫山黃牛也列子渤海之東有大壑焉為無底之谷名曰歸墟白樂天詩巖亭無撮土樹木多便堅杜子美詩青冥連頽洞左思吳都賦不窺玉淵者未知驪龍之所蟠也按三峽橋上流有玉淵潭

陶驥子駿佚老堂

文舉與元禮尚得稱世舊淵明吾所師夫子乃其後挂
冠不待年亦豈爲五斗我歌歸來引

公自注余增損淵明歸去來以就聲律謂之歸來引

千載信尚友相逢黃卷中何似一杯酒君醉我且歸明

朝許來否

後漢孔融傳年十歲詣李膺融白我是李君通家子弟膺問高祖父當與僕有恩舊乎融曰先君孔子與君先人李老君同德比義而相師友則融與君累世通家融字文舉膺字元禮陶潛傳我醉欲眠卿可去此詩乃用其語意

我從廬山來目送孤飛雲路逢陸道士知是千歲人試問當時友虎谿已埃塵似聞佚老堂知是幾世孫能爲五字詩仍戴漉酒巾人呼小靖節自號葛天民

廬山記達公十八賢同修淨土結白蓮社山有虎谿遠師送客過此虎輒號鳴嘗與陶淵明陸修靜道士語不覺過虎谿因相與大笑再見陶潛五柳先生傳酣暢賦詩以樂其志無懷氏之民歟葛天氏之民歟漉酒卽用陶潛事已見

和李太白

并引

李太白有潯陽紫極宮感秋詩紫極宮今天慶觀

也道士胡洞微以石本示余蓋其師卓杞之所刻
杞有道術節義過人今亡矣太白詩云四十九年
非一往不可復今余亦四十九感之次其韻玉芝
一名瓊田草洞微種之七八年矣云更數年可食
許以遺余故并記之

寄臥虛寂堂月明浸疎竹冷然洗我心欲飲不可掬流
光發永歎自惜非余獨行年四十九還此北牕宿緬懷
卓道人白首寓醫卜謫仙固遠矣此士亦難復世道如
奕棋變化不容覆惟應玉芝老待得蟠桃熟

史記曰者傳賈誼曰吾聞古之聖人不居朝廷必在醫卜之中三國王象傳醫人
圍碁局壞祭爲覆之碁者不信以帕蓋局使更以他局爲之用相比較不誤一這

蟠桃出度索

山注已見

次韻道潛畱別

參寥從先生於黃期年先生誘汝同游廬山乃還於潛山中

爲聞廬岳多真隱故就高人斷宿攀已喜禪心無別語
尙嫌剃髮有詩斑異同更莫疑三語物我終當付八還
到後與君開北戶舉頭三十六青山

維摩經云何斷攀緣以無所得唐僧詩髮爲作詩斑晉阮瞻傳王戎問曰聖人貴名教老莊明自然其旨同異瞻曰將無同戎咨嗟良久卽命辟之時謂之三語掇楞嚴經佛告阿難汝咸看此諸變化相吾今還本所因處云何本因此諸變化明還日輪暗還黑月通還戶牖壅還牆宇緣還分別頑虛還空鬱埽還塵清明還霽則諸世間一切所有不出斯類汝見八種見精明性當欲誰還

岐亭五首

并引

元豐三年正月余始謫黃州至岐亭北二十五里

山上有白馬青蓋來迎者則余故人陳慥季常也
爲畱五日賦詩一篇而去明年正月復往見之季
常使人勞余於中塗余久不殺恐季常之爲余殺
也則以前韻作詩爲殺戒以遺季常自爾不復殺
而岐亭之人多化之有不食肉者其後數往見之
往必作詩詩必以前韻凡余在黃四年三往見季
常季常七來見余蓋相從百餘日也七年四月余
量移汝州自江淮徂雜送者皆止慈湖而季常獨
至九江乃復用前韻通爲五首以贈之

昨日雲陰重東風融雪汁遠林草木暗近舍煙火濕下